

Broj:07-02-1-783/20

Mostar, 02.07.2020. godine

Na osnovu člana 21. stav (1) tačka 13) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 25. stav (7) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 10. stav (1), člana 20. stav (1) i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (3) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), te člana 3. Pravilnika o metodologiji za utvrđivanje referentne cijene električne energije („Službene novine Federaciji BiH“ broj 50/14 i 100/14), Regulatorna komisija za energiju u Federaciji Bosne i Hercegovine – FERK je, na X redovnoj sjednici održanoj u Mostaru 02.07.2020. godine, donijela

ODLUKU

Član 1.

Referentna cijena električne energije iznosi 0,112211 KM/kWh (11,2211 feninga/kWh).

Član 2.

Cijena iz člana 1. ove odluke je utvrđena kao proizvod ponderisane ostvarene cijene trgovine električnom energijom u Federaciji Bosne i Hercegovine u periodu od 12 mjeseci (VI mjesec 2019. godine – V mjesec 2020. godine) imaoca FERK-ove dozvole za snabdijevanje električnom energijom – dozvole II reda i koeficijenta podsticaja električne energije iz obnovljivih izvora u iznosu 1,2.

Član 3.

- (1) Ova odluka stupa na snagu danom donošenja, a primjenjuje se od 01.09.2020. godine, te se objavljuje na oglasnoj tabli i internet stranici FERK-a, a dispozitiv ove odluke i u „Službenim novinama Federacije BiH“.
- (2) Danom početka primjene ove odluke prestaje primjena Odluke broj 01-07-1034-01/18 od 10.12.2018. godine („Službene novine Federacije BiH“ broj 101/18).

O b r a z l o ž e n j e

Članom 20. stav (1) Statuta FERK-a propisano je da se sve odluke FERK-a donose na redovnim i vanrednim sjednicama FERK-a koje su otvorene za javnost, osim odluka koje se odnose na interna administrativna pitanja, što će se bliže urediti pravilima i propisima FERK-a, dok je članom 8. stav (1) Poslovnika o radu FERK-a propisano da na redovnoj sjednici FERK raspravlja i donosi odluke iz regulatorne nadležnosti. U skladu sa članom 32. stav (3) Poslovnika o radu FERK-a, odlukom se uređuju pojedina pitanja iz oblasti energije u skladu sa zakonom i donose opšti akti FERK-a, kao i akti poslovanja FERK-a kao pravnog subjekta u pravnom prometu.

Članom 21. stav (1) tačka 13) Zakona o električnoj energiji u Federaciji Bosne i Hercegovine propisano je da FERK ima nadležnost za utvrđivanje referentne cijene električne energije za postrojenja koja koriste obnovljive izvore i kogeneraciju. Takođe i članom 25. stav (7) Zakona o korištenju obnovljivih izvora energije i efikasne kogeneracije propisano je da je određivanje referentne cijene električne energije u nadležnosti FERK-a.

U vezi sa navedenim članom 3. Pravilnika o metodologiji za utvrđivanje referentne cijene električne energije propisano je da se referentna cijena električne energije utvrđuje kao proizvod ponderisane ostvarene cijene trgovine električnom energijom u Federaciji Bosne i Hercegovine u periodu od prethodnih 12 mjeseci imaoća FERK-ove dozvole za rad za snabdijevanje električnom energijom – dozvole II reda i koeficijenta podsticaja električne energije iz obnovljivih izvora, te da se kao osnov za utvrđivanje ponderisane ostvarene cijene trgovine električnom energijom uzimaju podaci koje su imaoći dozvole obavezni dostavljati FERK-u u skladu sa važećim Pravilnikom o izvještavanju za imaoće dozvole za snabdijevanje električnom energijom – dozvola II reda, nezavisne i kvalifikovane proizvođače i Operatora za OIEiEK („Službene novine Federacije BiH“ broj 27/16), kao i da koeficijent podsticaja električne energije iz obnovljivih izvora ima vrijednost 1,2 u svrhu dodatnog podsticaja proizvodnje električne energije iz obnovljivih izvora. Takođe, propisano je i da referentnu cijenu električne energije utvrđuje FERK prilikom donošenja odluke o izračunu garantovanih otkupnih cijena električne energije iz postrojenja za korištenje obnovljivih izvora energije i efikasne kogeneracije.

Slijedom navedenog, FERK je utvrdio referentnu cijenu električne energije kao proizvod vrijednosti ponderisane ostvarene cijene trgovine električnom energijom u Federaciji Bosne i Hercegovine od 0,09350949 KM/kWh i vrijednosti koeficijenta podsticaja električne energije iz obnovljivih izvora od 1,2 u iznosu navedenom u dispozitivu ove odluke.

Na osnovu svega naprijed navedenog, odlučeno je kao u dispozitivu odluke.

PREDSJEDNIK FERK-a
Mile Srdanović

Dostaviti:

- Sektoru za tarife i tržište